

brevibus densè hirtis abbreviatis petiolatis lyrato-pinnatipartitis segmentis subretrorsis oblongis triangularibusve parvis iterùm sæpè argutè pinnatilobatis integrisve-terminali majori oblongo argutè et remotè denticulato obtusiusculo breviter mucronato, caulibus glabris folia 2-3 plò superantibus semel vel bis divaricatim bifurcis præter squamulam linearem ad dichotomiam sitam nudis, capitulis mediocribus pedunculo longo supernè nigro-glanduloso suffultis, calyculi squamis ovato-oblongis acutiusculis involucri triplo brevioribus, phyllis livescentibus præter pubem brevissimam farinaceam secus lineam mediam glanduloso-setulosis, ligulis flavis concoloribus involucri sesquilon- gioribus, acheniis rectis cylindricis 12-15 striatis obsolete attenuatis pappo niveo caduco eis breviori superatis.

Hab. in loco *Char Gerdene* dicto propè pagum *Asadbar* in parte occidentali montis *Elbrus* Kotsch. N° 471, Aucher N° 4855. Huc quoque spectare videtur Kotschy N° 676 e monte *Totschal* (forma major).

Folia rosulata pollicem vel sesquipollicem longa, caules 3-4 pollicares, capitula magn. *Cr. Bithynicæ*, involucri phylla 4 lin. longa. Ex affinitate *Cr. heterotrichæ* et *Bithynicæ*.

CREPIS ROBERTIODES Boiss. (Sect. *Hieracioides*.)

Cr. rhizomate cæspitose petiolis vetustis valdè squamoso, foliis sub lente parcissimè puberulis vel omninò glabris omnibus radicalibus cæspitosis linearibus interruptè pinnatipartitis rachide angustè lineari planà segmentis triangularibus vel lineari-oblongis acutis sæpè subretrorsis valdè inæqualibus terminali oblongo acuto, caulibus numerosis scapiformibus monocephalis (folia duplo superantibus squamulâ unâ alterave setaceâ obsitis, capitulis minutis, squamis accessoriis paucis angustè lineari-lanceolatis adpressis involucri triplo brevioribus, involucri phyllis parce et brevissimè farinoso-puberulis livescentibus linearibus acutis, ligulis flavis subtus rubellis involucri sesquilongioribus, acheniis subangulatis multistriatis rectis utrinquè vix manifestè attenuatis pappo sordido eis æquilongo superatis.

Hab. in regione superiori *Hermonis* suprâ *Rascheya* ubi gregariè crescit alt. 8000-9000'. Legi flor. Julio 1846.

Folia cæspitosa flaccidula 1 1/2-2 poll. longa laciniis tenuibus 1 1/2-2 lin. longis, scapi 2-2 1/2 pollicares, capitula magnit. eorum *Robertiæ taraxacoidis* cujus habitum omninò refert. Species pulchella.